

INUIT ATAQATIGIIT INATSIARTUNI



UPA 2026/33
6. maj 2026
Nivi Rosing

Politiit Immikkut Paasiniaasartui (PET) pillugit inatsisip allangortinneqarnera pillugu inatsimmi, illersornissaqarfiup politiillu immikkut paasiniaasartui pillugit ataatsimiititalianik pilersitsisoqarnissaa pillugu inatsimmi aamma pasinapiluttunik kalerriisartut illersorneqarnissaat pillugit inatsimmi (Immikkut paasiniaasartut nakkutilliivigineqarnerisa patajaallisaavigineqarnerat) § 1-p Kalaallit Nunaannut atuutilersinneqarnissaa pillugu peqqussut pillugu missingiutip Kalaallit Nunaanni Namminersorlutik Oqartussanit akuersissutigineqarnissaa pillugu Inatsisartut aalajangiiffigisassaattut siunnersuut

(Meeqqanut, Inuusuttunut, Inatsisit Atuutsinneqarnerannut Naligiissitaanermullu Naalakkersuisoq)

Tunngavilersuut

Inuit Ataqatigiinni Nunatsinni tamat oqartussaaqataaneq pingaartilluinnarparput eriagalugulu aammattaaq Nunatsinni Inuit toqqissillutik inuunissaat salliullutigu. Inatsisitigut illersugaaneq, oqartussat sulinerat ersarissumik akisussaassuseqartumillu isumannaatsoq toqqissisimanartorlu siunniuttuarparput.

Uani siunnersuummi siunertaq tassa politiit immikkut nakkutilliisartui ullutsinnut naleqquttumik nakkutilliinermut Nunatsinni suliniutiminni naammassinnissinnaanissaminnut eqqortumik qulakkeernissaa.

PET-p suliassaa annerpaaq tassaavoq tamat oqartussaanerput sunnerneqarnani inuiaqatigiinni isumannaarnissaa taamaammat Inuit Ataqatigiinnit pingaartipparput aamma tamanna Naalakkersuisut siammassinnerusumik nakkutigineqarnissaannut siunnersuutaannut qujalluta siunnersuut ilalerparput.